



# Zekat je:

**1. Farz, neupitna obaveza** svakog punoljetnog, umno zdravog, slobodnog muslimana čija imovina dostiže ili prelazi vrijednost nisaba.

**2. Islamski šart, treći stup islama**, po važnosti odmah nakon namaza. U dvadeset i osam ajeta u Kur'anu zekat se navodi kao obaveza, zajedno s namazom, a Muhammed, alejhi-s-selam, kada je upitan šta je islam, rekao je: "Islam je da posvjedočiš da nema drugog boga osim Allaha i da je Muhammed, alejhi-s-selam, Njegov poslanik, da obavljaš namaz, daješ zekat, postiš ramazan i obaviš hadž – ukoliko si u mogućnosti." (Hadis prenose Buharija i Muslim)

**3. Najbolji način čišćenja imovine muslimana**, jer je čišćenje jedno od značenja pojma zekat – kao što je to i navedeno u ajetu u kojem se naređuje izvršavanje ove obaveze: **Uzmi od dobara njihovih zekat da ih njime očistiš i blagoslovljenim učiniš i pomoli se za njih, molitva tvoja će ih, sigurno, smiriti, a Allah sve čuje i sve zna.** (Et-Tevbe, 103).

**4. Zekatom se osigurava i štiti imovina muslimana**, davaoca zekata, kao što se štiti i cjelokupna zajednica od raznoraznih nepogoda i nesreća – što je istaknuto u hadisima Muhammeda, alejhi-s-selam: "Osigurajte svoju imovinu davanjem zekata" (Hadis prenosi Ebu Davud), "Zekat se nikada nije pomiješao s bilo kojim dijelom imetka a da ga nije uništio i učinio da se raspadne." (Hadis prenosi Bejheki)

**5. Zekatom se unapređuje imovina muslimana** i stvaraju se pretpostavke za njeno uvećavanje. Uzvišeni Allah kaže: **Allah uništava kamatu, a unapređuje milosrđa (ime-tak osobe koja daje zekat i sadaku).** (El-Bekare, 276).

"Davanje zekata neće nikada umanjiti imetak." (Hadis prenosi Taberani).

**6. Zekat je jedna od najboljih investicija muslimana** i preduvjeta za povećanje bereketa njega i njegove porodice, a plodovi te investicije ubiru se i na ovom i na budućem svijetu.

**Reci: "Zaista, moj Gospodar opskrbu obilnu daruje među Svojim robovima kome hoće, ali im i uskraćuje; što god vi utrošite, On će nadoknaditi, jer najbolji Op-skrbnik On je!"** (Saba, 39).

**7. Zekatom se potvrđuje vjera i pripadnost zajednici muslimana.** Sinonim za pojam zekat u Kur'anu i brojnim hadisima je riječ sadaka (*sadeqah*), Muhammed, alejhi-s-selam je rekao: "Sadaka je dokaz i potvrda." (Hadis prenosi Muslim).

**8.** Za odgovarajuće ispunjavanje obaveze zekata potreban je **sistem** organiziranog prikupljanja i raspodjele na što upućuje praksa Muhammeda, alejhi-s-selam, koji je posebnu pažnju pridavao odabiru prikupljača zekata te organizaciji prikupljanja i raspodjele zekata, kao i 60. ajet iz sure Et-Tevbe, u kojem se pominju prikupljači zekata.

**9.** Musliman koji ispuni obavezu davanja zekata dobit će odgovarajuću **nagradu** kako na ovom tako i na budućem svijetu – što je istaknuto u brojnim ajetima kao što je ajet: **Ono što žele vjernici će postići, oni koji molitvu svoju ponizno obavljaju, i koji ono što ih se ne tiče izbjegavaju, i koji zekat daju.** (El-Mu'minun, 1-4).

Muhammed, alejhi-s-selam, je rekao: "Neće čovjek na lijep način davati sadaku a da Allah neće na lijep način postupiti prema onima koje on ostavlja iza sebe." (Hadis prenose Ibn Mubarek, Ed-Dejlemi i Ibn Šahin).

## Negiranje zekata kao obaveze izvodi iz vjere.

Neizvršavanje obaveze davanja zekata, od strane onoga ko ga je dužan dati, za posljedicu ima umanjjenje bereketa, duševni nemir, propadanje imetka i žestoku kaznu kako na ovom tako i na budućem svijetu.

## Zekat se obračunava na sljedeće vrste imovine:



Imovina	Nisab	Zekat
Zlato	91,6 grama	2,5%
Srebro	641,5 grama	2,5%
Novac, trgovačka roba i poslovanje, dionice, pozajmice, godišnja primanja, državne obveznice, vrijednosni papiri, osiguranja koja uključuju štednju (tekaful), prihod od iznajmljivanja i prodaje nekretnina	6.391,00 KM ili 3.268,00 €	2,5%
Minerali i rude		20% od ukupne vrijednosti iskopenih/dobivenih proizvoda od koje se oduzmu svi troškovi (iskopavanje, transport, prodaja, iznos koncesije/poreza)
Poljoprivredni proizvodi		5% vještački navodnjavani  7,5% dijelom prirodno, dijelom vještački navodnjavani  10% prirodno navodnjavani proizvodi
Stoka	30 goveda, 40 ovaca ili koza	